



STINAPA TA INFORMA

PELIKAN BURACHI?

Tur hende a yega di tende historianan di den naturalesa ku ta muchu straño pa kere. Awèl, awe nos tin un mas pa bo: den un klínika pa bestia na sùit di California tin kuater pelikan brùin ta rekuperá di un estado di buracheria. Esaki despues ku un di nan a bula bai dal den bentana di un outo riba un kaminda kostal. E otro tres tabata kana zeilu den serkania. E promé pelikan lásticamente a sufri heridanan interno i a sufri un sker di su saku di kachete pero ta rekuperando satisfaktoria-mente den e klínika. A tuma sanger di kada unu pa kontrolá nan sanger. E ekspertonan di e klínika a sospechá ku e "Red-Tide" ku tabata tumando lugá ei banda e dianan ei por tabatin di haber ku nan estado. E Red Tide ta un kondishon kaminda hopi alga kòrá i brùin ta aglomerá den awanan plat band'i kosta. Esei ta pone ku asta e awa ta haña kolo kòrá. E alganan ta produsí un venenu ku yama "Domoic Acid", ku ta traha manera un venenu di nèrvio masha peligroso. Venenamentu pisá por kondusí na daño serebral i asta pèrdida di memoria, pero un venenamentu mas liviano ta pasa di su mes. Awor pelikan no sa kome alga, pero sí nan ta kome bestia di laman ku por ta kubrí ku esei, i ta probabel ku ta asina nan a bira malu. Ta e mesun Domoic Acid aki ta lokual nan ta kere a kondusí na un atake masal di para di laman riba un poblashon chikitu den sùit di California yamá Capitola. E evento aki a duna inspirashon na e famoso trahadó di pelíkula Alfred Hitchcock pa su sine di horror "The Birds." Skirbí pa Bruce Davidson - Saint James School of Medicine

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALESA



Traha hunturu na un desaroyo duradero pa Bonelru